

德博流於和岳龍仙人鬼恩均被於祥光林  
林有生熙熙无上則上明天尊大慈之化下  
副日等皈命之誠謹啓以聞

發願

一念為道四大合德齊主七世父母免墮憂

苦上升天堂衣食自然

二念帝王國主道化興隆序序濟濟皇教恢

宏威儀翼翼普天所瞻民稱太平四夷賓

伏妖惡自滅聖賢自生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念捐已布施道士及飢寒者天下人民各

得其所

七念蠲動踐行一切衆生咸蒙成就

八念救貫前生今世罪對立功補過

九念家門隆盛宗廟有人世生賢才

十念專受經師不敢中怠平等一心廣度克

獲上仙白日登天拜見太上永成真人雲

車羽駕和與道合真

存神燒香

香官使者左右龍虎若侍者諸靈官當令臣  
向來清旦陞壇行道之所自然生金液丹碧  
芝英百靈衆真交會在此香火壇前令臣學

道得道求仙得仙齊主受福顯沾恩十方

仙童玉女侍衛香烟傳臣向來所啓之誠速

達徑御

太上无極大道至真玉皇上帝御前

出堂頌

下壇

回師

靈寶領教濟度金書卷之四十五

靈寶領教濟度金書卷之四十六

洞微高士開光救苦真人寶金真授

靈寶通玄弘教水南先生林靈真編

科儀立成品

九朝行道儀

第二日午朝

各禮師存念如法

宣衛靈呪

黃中策炁斬穢效宗遏絕邪源制斷魔蹤

太上符命召制神公萬靈斯格却禍除凶

玉炁三輪洞運真風紫戶含瓊大度无終

左命青腰右攝芝童道遠颺景總御九空

玄壇應機乘炁虛冲萬真普降濟度无窮

鳴法鼓二十四通

焚爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝闢啓玄壇天帝神君當召此間

土地里城真官正神臣今臨午陞壇行道朝

謁帝真奉為八春素其諸情惻具載絨騰願得

太上十方至真道系靈寶妙光下降流入  
等身中令日所啓之誠速達徑御  
太上无極大道至真玉皇上帝御前

請稱法位

具位臣某與臨壇官衆等謹同誠上啓

虛无自然元始天尊无極大道太上道君太  
上老君高上玉皇十方已得道大聖衆至真  
諸君大人三十二天帝君玉虛上帝玉帝大  
帝東華南極西靈北真玄都玉京金闕七寶  
瓊臺紫微上宮靈寶至真明皇道君三十六  
部尊經玄中大法師上相上宰上保上傳太  
平下教二十四真人西城總真王君太乙真  
人東嶽上卿司命茅君定錄保命二真人名  
山洞府得道神仙三界官屬一切真靈巨聞  
道冠鴻鈞八會未彰於風氣象涵養極九光  
始煥於龍章徘徊而按筆裁金浮沉而拂筵  
鏤玉劫周四萬帝開肇運之期字益五千聖  
衍通玄之秘洞輪教分於七部靈寶義貫於

一乘膏澤天人梯航今古臣等志昏知白心  
昧鈞玄紅埃同流徒忱紛華而迷景白雲獨  
笑莫融沖粹以乘晨四極科明三元儀煥連  
思天覆尚鼓吹於瓊網退省淵臨冒羽儀於  
瑤陛鋪張陽澤投極陰靈凡有皈依敢忘關  
告況奉詞旨所合上聞

宣詞

按如詞言誠深激切臣聞神文煥瑞河圖彰  
經緯之奇聖畫昭祥洛書顯生成之妙總九  
章於八卦類十數於五行經演周迴國顯始  
青之境教傳微妙座懸空碧之珠極首龔瘡  
跋以復形感老少孕胎而反質符先天之妙  
化開大地之玄機十過參同二篇響應今齋  
主若歸心道域請命天關軫長夜之窮魂心  
燈雲障痛積陰之苦真性繼塵籠孰開迴光  
返照之機安有破暗命靈之妙庸翻霞笈恭  
啓星壇鬱儀流金紫之華亭轉午浮黎權  
空碧之悉奕奕拱辰駉朱鳳以翼轅駕玄龍  
而銜來玉靈耀景象水月之交輝十絕飛霄  
慶風雲之混合至尊端御列聖朝班步虛揚

玉籟之音香花散金葩之影潔縹緲之侶奏對  
楓庭願揚有造之恩波俯采無垠之德惻靈  
光灌沐伴躋虎豹之關慧力提携永侍龍鸞  
之御混與胥慶幽顯均休以今臨千陛壇行  
道請法衆等運茲初捨上香

願此香烟騰空徑上供養

无上至真道寶大羅元始天尊金闕至尊玉  
皇上帝无上清微天宮真仙衆聖臣等皈身  
皈神皈命首體投地仰依  
太上三尊願以是功德歸流宗祧先聖社稷  
尊靈伏願月度馭烝日關怡神萬年枝開甘  
露之祥潛扶龍種千秋鏡耀景星之瑞密衛  
鸞圖翼聖運於丹霄侍帝宸於紫禁  
皇帝享齡有永受命無疆浮天浴日之波神  
威雷動積雪層氷之野聖武風行觀風來歲  
衛之謠望雲競華封之祝瑞星耀彩三朝克  
繼於離明碧月凝輝四德允毗於軋政百官  
燦理萬姓熙平今故燒香自皈依  
師尊大聖衆至真之德得道之後保天長存  
和與道合真

以今臨午陞壇行道請法衆等運茲二檢上香

願此香烟騰空徑上供養

无上正真經寶玉晨靈寶天尊紫微天皇上帝禹餘天宮真仙聖衆臣等皈身皈神皈命

首體投地仰依

太上三尊願以是功德歸流齋主家九玄七

祖億劫種親伏願天給紀績地憲消愆死蒂

飄零脫陰郊之暗霧生根敷暢陽境之明

霞與道合真保天有慶齋主其名高千聖清

泱三神端福履以酣春慶騰梓澤粹德容而

凝晝香藹蕊窈命身無刑戰之憂運限免關

剋之咎齊眉舉按羅居室之嘉聲坐膝扶床

兆承家之休徵尊卑侃侃中外融融令故燒

香自皈依

師尊大聖衆至真之德得道之後昇入無形

和與道合真

以今臨午陞壇行道請法衆等運茲三檢上

香

願此香烟騰空徑上供養

无至上至真師寶五靈玄老天尊紫微北極大帝救苦青玄上帝后土皇地祇大赤天宮無

邊衆聖臣等皈身皈神皈命首體投地仰依

太上三尊願以是功德歸流中朝宰輔外國

公卿嶽牧臣僚郡邑守宰伏願作帝股肱為

民父母槐庭日永教正本以惠八方棘寺風

清肅化原而綏九有繡斧攬澄濟之靈鏡旋

韶肅殺之鋒削竹香凝藹翼黃之異政種花

春滿茂阜膏之壽村上沛君恩下蘇民瘼次

願山栖谷汲之士雲耕月釣之徒游神聖津

抱經綸而龍卧宅心道域精服御以龜延密

圓八百之劬式佐半千之運今故燒香自皈

依

師尊大聖衆至真之德得道之後長享自然

和與道合真

禮方

步虛

三啓

三禮

臣等志心稽首禮

太上无極大道 臣等志心稽首禮

三十六部尊經

臣等志心稽首禮

玄中大法師

重稱法位

具位臣等與臨壇官衆等謹同誠上啓

虛无自然元始天尊无極大道太上道君太

上老君高上玉皇十方已得道大聖衆至真

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上官靈寶至真明皇道君三十六

部尊經玄中大法師上相上宰上保上傳太

平下教二十四真人西城總真玉君太乙真

人東嶽上卿司命茅君定錄保命二真人各

山洞府得道神仙三界官屬一切真靈臣聞

函三啓運昭覆載以流精得一分靈稟陰陽

而毓粹玄谷胤虛无之室丹房凝空洞之珠

應運乘玄樂椿林而百齡宴集返真飛化登

藥闕而萬劫怡神本無士以無來真有生而

有死醉風既遠聖日斯滿三毒雲滋縱斧斤於雲宅九幽霧障慘切戰於寒庭上軫帝心下救民欲令齊主其仰慮亡故甚爰從叢劫迨至今生選人傷於心源焚天和於性海業風助長急振抽萬輪之花欲雨滋生毒芽茂千枝之葉葉布條而蔓衍花結實以枝離覆蔭邪途荒蕪正路北斗定考魂之日南辰銷鍊魄之名慘慘泥犁幽幽朔鬱非流息於紫極易則過於玄曹玉蓮羅數禮十華而慈願瓊科宣演叩三極以虔祈冀瑋一瓣之香恪賜九光之燭伏願噓枯吹朽駭馳蕩之春陽煥暗灼騰登融怡之晝景拯提陰爽變化陽靈玉醴瓊芝為浣除於心病金泉雲液密灌灌於形塵佩照天衣翔飛雲路劫氛清靜得為天上之種民宿垢消除永侍玄中之至聖

齊主其五官調泰一氣宣平院宇無塵兆歡聲於湖濤門庭有耀來威事於階蘭澤及堯倪均陶福壽上願璇璣朗耀寒暑和平風雨順調烟雲藏歛黍稷豐茂地開同頌之祥草木輝華天薦連枝之瑞朝多鳴鳳野絕遺蝗

水府仙真位運紀丹臺之籍陰關僚職宣仁寬惠薄之刑凡厥有情同歸至化則上明天尊大慈之化下則巨等皈命之誠謹啓以聞

發願

一願大道淡泊虛無安閑空寂澄清自居廣闊法門教導頑夫皆蒙惠澤精苦自修預以同學普得升虛與天相保長存無憂

二願諸天結炁澄清高虛廣覆保真固靈炁候調節四運和平國安民豐普天開寧廣濟一切惠達有生保天長存億劫不頽

三願土地覆載無窮安平不陷海淪不崩保鎮家國兆民具從養生安死惠周十方禾稼滋植管運日豐咸得厚載萬類皆從

四願日月二景高明無有字蝕虧盈安清光照諸天洞消暗冥保固劫運世作和平普加潤澤惠灑衆生

五願星辰與日齊光轉燭照耀朗映十方各安其位經緯直行保鎮家國無有災傷四海寧一普天興昌

六願四時隨節推遷景氣和調無有災患疫

毒消滅普天安平五教豐熙國富民歡

七願浮雲結炁聚烟飛空高澄隆覆玄玄隱則無為散則彌天神仙同居結友衆真息流一切與國愛民普濟羣生人同劫年

八願風雨流灑無窮普加施泄受其發揚萬物滋生國儲民豐

九願五嶽各安其方艷艷包載長為仙官安鎮國祚保天無終護度一切莫不仰宗

十願江海蕩蕩無極含容恢廓無細不植淵泉柔惠潤加喘息天人獲慶年同劫石

十一願帝王國主日昌四鎮安睦兵革不揚天人歌唱吉應來翔敷教濟濟威化揚揚兆庶稱慶長樂未央

十二願蝗飛蠢動已生未生成蒙安全普得生成皆見元氣受陽之形草木果林經冬不零一切濟度靡不鮮榮和與道合真

存神燒香

香官使者左右龍虎君侍香諸靈官當令臣向來臨午陞壇行道之所自然生金液丹碧芝英百靈衆真交會在此香火爐前當令臣

學道得道求仙得仙齊主受福幽顯沾恩十方仙童玉女侍衛香烟傳巨向來所啓之誠速達徑御

太上无極大道至真玉皇上帝御前

出堂頌 下壇

回師

靈寶領教濟度金書卷之四十六

靈寶領教濟度金書卷之四十七

洞微高士闕光啟者真人家金真授

靈寶通玄私教水南先生林靈真編

科儀立成品錄

九朝行道儀

第二日晚朝

各禮師存念如法

宣衛靈呪

金真空降神虎檢管玉帝披霞諸天命靈

九晨回駕萬魔束形九微送烟神威攝精

洗金擲火百惡消并神輝耀夜洞煥長庚

聖道蕩蕩十方肅清保制劫運元亨利貞

和與道合真

鳴法鼓二十四通

發爐

无上三天玄元始三炁太上道君召出巨等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神巨今晚朝陞壇行道朝

謁帝真奉為入壽其諸情悃具載絨騰願得

太上十方至真道炁靈寶妙光下降流入巨等身中令巨所啓之誠速達徑御

太上无極大道至真玉皇上帝御前

請稱法位

具位巨某與臨壇官眾等同誠上啓

虛无自然元始天尊无極大道太上道君太上老君高上玉皇十方已得道大聖眾至真

諸君丈人三十二天帝君玉虛上帝玉帝大帝東華南極西靈北真玄都玉京金闕七寶

瓊臺紫微上官靈寶至真明皇道君三十六部尊經玄中大法師上相上宰上保上傳太

平下教二十四真人西城總真王君太乙真人東嶽上卿司命茅君定錄保命二真人各

山洞府得道神仙三界官屬一切真靈巨聞元始開闢敷慈雲於萬劫靈寶垂化沛法雨

於三途赤城流四譯之芳丹谷混十玄之妙上無復祖礙道炁以歷闕中有度人衆神輝

而溥告嚴攝肅北鄭之令轉輪沛南上之恩